

那文毅公奏議

那文毅公初任直隸總督奏議卷五十二目錄

卷五十二

糾彈庸劣

清釐交代

陳明度支

請餉充費

因事獲咎

那文毅公初任直隸總督奏議卷五十二

男
容安恭輯

糾彈庸劣

謹按嘉慶十九年二月初八日廷寄內奉

上諭章煦奏查驗省南州縣分別降補勒休各遺缺揀員
補授一摺發交那彥成閱看該督於抵任後再行確加
查驗是否均各允協覆奏到日再降諭旨

謹按嘉慶十九年二月初八日

奏欽奉

諭旨內章煦所奏查驗省南州縣分別降補勒休各遺缺

一摺發交

臣

閱看是否允協等因

臣

細加查看章

煦摺內所劾所保之人均係

臣

在軍營曾經差委

熟悉之人在開州時藩司素納亦曾將各該員不

能勝任及章煦所保之各員擬補等情向

臣

面稟

今章煦爲地方緊要起見懇

恩辦理所劾所保均屬允協但可否

允准之處應請

旨飭遵謹

奏

嘉慶十九年二月初九日奉

上諭章煦奏大名府屬各州縣連歲荒歉又值兵燹之後
亟須加意拊循非衰庸之員所能勝任請將年老才庸
各員分別降補勒休所遺各缺揀員補授俾資整飭交
那彥成覆加查覈據奏均各允協著照所請開州知州
于曉卽令開缺留直以簡缺知州補用所遺員缺著朱
煒陞補其所遺東明縣知縣員缺著淡廷棻補授清豐
縣知縣趙文光著勒令休致所遺員缺著狄觀光補授
大名縣知縣員缺著張菊調補長垣縣知縣員缺著王
殿傑補授該部知道

嘉慶十九年六月初六日

奏爲叅奏請

旨事竊照遷安縣捐納衛千總方元奎赴順天府尹衙門
呈控該署縣孫熙藉差派折銀三千七百兩入已
等情一案行文臬司提省審辦方元奎又以孫熙
派折銀六千一百兩等詞寫列款單在省城散布
經臬司行提應訊人等並飭調孫熙來省檄委保
定府知府盛泰率同候補知州顏樾候補知縣陳
晉審訊據孫熙回稱該員辦理墊道差務協濟馬
匹及驛站喂馬草束均係循照舊章辦理並無浮
派折收入已情事該員因聞方元奎係由該縣書

吏捐納衛千總素不安分把持地方公事曾在內署談及欲訪拏究辦不料被方元恒聞知遂挾嫌誣控并勾結多人扶同滋訟及散布款單爲先發制人之計等語訊之書役人等供亦相同質之隨同方元恒控告之武舉李壇英生員高鑑均不能指出浮派確據惟提訊方元恒堅稱所告各款均屬實情孫知縣派折銀兩只求追出充公詰其有何憑証如何知悉則稱何用証據無人不曉并稱起初李壇英等本欲控告經伊攔勸中止今孫知縣將伊詳府是以李壇英等俱各具控孫知縣旣

欲將伊究辦叫孫知縣辦伊就是了等語由兩司

稟揭前來

臣

查該署縣孫熙辦理差務如果循照

舊章並無浮派折收情事何至被人訐控其中保無別情現當整頓之際必當嚴切究辦以儆藉差婪索之漸至方元徑當李壇英等欲控之時竟能一言阻止迨該縣將其詳府李壇英等卽紛紛具控其爲聽從指使事已顯然此外尙有扶同具控之尹景文等均未來省提到之徐文龍又被方元徑縱令潛回且於具控之後膽敢將案內應訊之人私自縱放甚屬藐法又不候訊究輒在省城散

布款單似此行爲其平日不安本分恃符把持亦可概見均應徹底研究以儆官邪而懲刁健應請旨將署遷安縣候補知縣孫熙捐納衛千總方元益一併革職以便提同應訊人等嚴審定擬具奏並委員摘印署理查明孫熙經手倉庫錢糧有無未清另辦謹

奏

嘉慶十九年六月初七日奉

旨這所叅被控藉差派折之署遷安縣知縣孫熙及散布款單之捐職衛千總方元益著一併革職交該督提同

案內人証秉公嚴審定擬具奏

嘉慶十九年六月十八日

奏爲遊擊年力就衰難期振作請

旨勒休以重營伍事竊照遊擊一官有表率營伍訓練弁
兵之責必須年力富強方可以資整頓茲督標拱
極營遊擊袁大章臣此次查永定河工之便在盧
溝橋接見該員履歷雖開六十二歲實年約有七
旬精神步履頗形衰老詢其營務情形亦未明晰
似此年力就衰之員未便姑容戀棧查該員自服
官以來並無軍營勞績相應據實奏請

旨將拱極營遊擊袁大章勒令休致以重營伍謹

奏奉

硃批照所請行兵部知道

嘉慶十九年十月三十日

奏爲叅奏請

旨事竊

臣

自到任後見直隸官兵弓馬率多軟弱不甚得

力欽遵節奉

諭旨實力整頓於教演兵丁弓馬鎗箭之外演習長矛并

於各營叅遊都守內擇其年輕者亦令學習以期

官旣熟習兵丁自易教演半載以來各營官兵鎗

箭稍有起色於扎桿進步撥刺之法漸臻熟練惟督標右營遊擊劉乾忠雲南人年二十八歲捐納出身性本驕脆復耽安逸並不演習節經臣訓飭總置罔聞本月二十七日臣在教場看兵對衆向其詢問近日扎桿曾否習熟據該員回稱不能臣當卽申飭次日傳同副將舒凌阿叅將珠勒亨遊擊那蘇圖因公進見復好言勸導該員復稱現在有病斷難學習臣察看該員年正精壯毫無病容當卽呵斥如再捏病偷安定卽責處詎該員益肆謬妄口稱不學長矛不至責打出言頂撞臣傳巡

捕官令其責打詎該員將巡捕署馬捧手走出副將舒凌阿等見其太不成事始親身拉揪棍責伏查直隸營伍情形實緣不知營規操演遂不認真而益不教演益不知體制至臣自來接見官員從無急言厲色惟教演官兵勢不能不加督責況營制副將以下原可棍責茲爲整頓營伍因見該員年力正好諭令學習長矛並告以臣之子二人亦均學習並非卑賤之事乃該員以捐納驕脆之習並無勞績逞其氣質竟以整頓爲非且以此次頂撞得過便可倡率官兵不加操演以遂其偷安之

心並可取悅於衆似此逞刁首先梗令之人居心實屬可恨若不加嚴懲遂至令約不行闖玩如昔營伍萬難整頓相應據實叅奏請

旨將該員劉乾忠革職以爲倡衆梗令怠玩者戒謹奏奉

硃批依議兵部知道

嘉慶二十年六月二十二日

奏爲叅奏請

旨事竊據馬蘭鎮總兵文孚呈據牆子路都司郎懷信稟稱千總王朝臣到任以來罷軟無能貪婪不堪廢

弛營汛屢誠不悛又有外委王餘王朝勲疎脫賊犯請一併訊革等情該鎮當調王朝臣等嚴訊據王餘王朝勲供稱看守賊犯派兵不慎以致疎脫屬實惟王朝臣於被揭各款堅不承認該鎮因查卽懷信稟揭王朝臣貪婪一款最爲緊要自應查有確據方可揭叅究辦隨劄飭卽懷信將賊証據實指出以憑質訊旋據卽懷信將二三年前王朝臣價買殘廢馬匹當差等事撫拾多款含混稟覆仍無賊証飭調卽懷信與王朝臣面質各執一詞互不相下該鎮諭俟覆訊詎卽懷信並不遵照卽

起身回營除王餘等疎脫賊犯一案另辦外所有
郎懷信稟揭王朝臣一案呈請核辦前來臣查都
司郎懷信稟揭千總王朝臣貪婪一款並無贓証
迨經該鎮劄查郎懷信率將二三年前之事撫拾
稟覆又不聽候覆訊實屬謬妄膽大至千總王朝
臣平日果無貪婪實蹟該都司何致憑空稟揭其
中必有別情相應奏請

旨將牆子路都司郎懷信千總王朝臣一併革職審訊以
便徹底根究分別虛實按擬辦理並委員摘印署
理謹

奏

嘉慶二十年六月二十四日奉

旨這所叅都司郎懷信干總王朝臣均著革職交那彥成秉公審訊定擬具奏

嘉慶二十年九月二十五日

奏爲遵

旨審擬具奏事竊

臣

前據馬蘭鎮總兵文孚呈報牆子路

都司郎懷信稟揭干總王朝臣貪婪等情一案奏

奉

諭旨令

臣

秉公審訊定擬具奏欽此當經委員將郎懷信

等解省行據藩司錢臻臬司盛泰詳委因公在省
之大名道屠之申并候補道程卓樑督同保定府
知府阿霖審擬由司解勘前來臣親提覆鞫緣郎
懷信籍隸雲南由武舉投効湖南軍營游陞馬蘭
鎮牆子路都司王朝臣籍隸密雲由行伍遞陞牆
子路千總嘉慶十八年七月間王朝臣價買營馬
六匹經郎懷信查驗挑出瘦馬二匹至九月間郎
懷信調赴滑縣軍營王朝臣護理都司印務維時
軍需差繁營馬不敷應用王朝臣將原買挑出之
瘦馬支應尋常差務郎懷信回任查知瘦馬支差

責令王朝臣調換又牆子路管轄之青椿以外居民修造房屋向由千總回明都司勘驗預防私砍禁木十九年春間張必俊等自備木料修整窩棚適即懷信公出王朝臣未經回明迨即懷信回營瞥見張必俊等修整窩棚因王朝臣並不回明訓斥其非并欲稟知總鎮嗣查明所用木植並非禁木亦即中止二十年二月間王朝臣差兵丁馬成功赴平谷縣領運料荳向有開銷腳價王朝臣探知平谷縣荳價與牆子路本集價值相等圖省腳價囑令馬成功將原領料荳卽在平谷縣糶賣攜

同荳價錢文在本集買荳如數完交所有腳價銀
數兩交存充公郎懷信以王朝臣雖係節省充公
究屬貪圖小利時相訓誡是年三月郎懷信飭委
王朝臣押解京馬領回公費銀一百兩除開銷馬
乾盤費等項外下剩銀兩王朝臣自行買馬二匹
欲圖轉賣漁利郎懷信查知令其將馬入營作抵
尙應找補銀五兩四錢六分四月二十日王朝臣
與字識劉公環領取鎖鑰面同郎懷信開櫃交銀
王朝臣入銀一錠計重八兩四錢一分尙應找銀
二兩九錢五分劉公環將櫃內舊存碎銀取出二

兩九錢郎懷信斥其自取之非劉公環出言頂撞
郎懷信諭令王朝臣將劉公環革除移縣究辦王
朝臣因劉公環跪求亦未移送郎懷信噴其庇護
五月初八日兵丁鄧國慶等拏獲偷竊櫟木之張
順徐大稟知王朝臣因是日天晚發交外委王餘
等看守諭俟次日備文送縣詎張順等卽於是夜
乘間脫逃郎懷信查知疎脫賊犯當向王朝臣訓
斥王朝臣以外委王餘等派兵不慎之言分割郎
懷信噴其不服訓誠憶及王朝臣曾將殘馬當差
庇護字識以及買馬轉賣貪省運荳腳價等事郎

懷信不諳字義并不知句語輕重卽指稱王朝臣
罷軟無能廢弛營汎貪婪不堪等詞赴鎮稟揭使
之警懼當經該鎮查訊令其指出賊証卽懷信始
知貪婪二字係指貪賊而言悔悟無及嗣據馬蘭
鎮總兵文字呈由

臣奏奉

諭旨革審飭提來省查照稟揭情節逐一研鞫據供前情
不諱臣恐尙有不實不盡復向卽懷信詰訊令其
將王朝臣賊款逐一指出以憑據實究辦據卽懷
信供稱伊旣經稟揭如果另有劣蹟斷不肯反爲
諱匿詰其因何將貪婪二字形諸稟牘又稱實因

不諳字義自認糊塗情詞極爲悚迫質之王朝臣
堅仕委無貪婪不法情事查已革都司郎懷信因
外委王餘疎脫賊犯向千總王朝臣訓誡不服憶
彼從前以殘馬當差圖省運腳庇護字識又因不
諳字義輒以貪婪罷軟等詞冒昧稟揭殊屬不合
郎懷信應照不應重律杖八十王朝臣將殘馬當
差訊係軍需差繁隨時權宜其居民修葺房間查
非砍取禁木卽圖省運腳銀兩業已充公並未入
已至疎脫賊犯係由該管外委王餘派兵不慎所
致但該員庇護字識不卽移送有司已有不合且

不遵訓誡致釀事端亦屬違令王朝臣應照違令律笞五十均業已革職應毋庸議惟查該員等究係武職竊陋罔識體制即懷信前又投効軍營出力曾受鎗傷王朝臣年力富强尙有出息現在被叅之案究非貪婪尅扣兵餉廢弛營務者可比合無仰懇

聖恩可否將已革都司郎懷信降等以千總留直補用已革千總王朝臣降等以外委補用之處出自

皇上天恩字識劉公環因王朝臣抽取多餘銀兩輒向郎懷信出言頂撞雖事屬從公究有不合劉公環應

照不應重律杖八十折責三十板革去字識飭縣
傳案折責發落並供招咨部謹

奏

嘉慶二十年九月二十六日奉

上諭那彥成奏審擬都司郎懷信稟揭千總王朝臣一案
請將該二員留直降補辦理殊屬輕縱王朝臣被揭多
款郎懷信所供不諳字義亦屬避就之詞所奏不准行
郎懷信王朝臣俱仍著革職餘照所擬完結

嘉慶二十年九月二十八日

奏爲特叅承辦差務不力之平泉州知州恭摺具奏請

旨事竊照本年恭逢

聖駕巡幸熱河經由承德府及灤平豐寧等縣地方向以
平泉建昌赤峯朝陽四州縣幫辦道段一切差使
係平泉州率同各縣辦理先經臣派令清河道韓
文綺敬謹隨扈檄飭督催各州縣等實力遵辦不
容稍有貽悞並令該道於差竣分別優劣據實稟
報茲據韓文綺稟稱本年熱河差務除承辦常山
峪一帶道段泥湮之赤峯縣強謙業經奏交部
議處該員兼署灤平並灤平接署之常久朝陽代
辦之那斯琿承辦橋道均尙妥協外惟平泉州知

州興廉所辦道段雖無貽悞惟遇事巧避正當

大差經臨藉稱緝匪同州意圖推諉差使未免取巧至建
昌縣恒慶豐寧縣西林承辦橋道一律堅實平坦
辦理諸事亦極奮勉洵屬妥速理合區分功過稟
請查核前來

臣

伏查熱河各州縣每歲承值

巡幸大差理應實力敬謹勦辦豈容稍存諉卸今平泉州
知州興廉於

蹕路經臨差務緊要之時輒藉詞回州實屬取巧推諉未
便因其所辦道段尙無貽悞稍事姑容相應奏

奏請

旨將平泉州知州興廉降補知縣以示懲儆建昌縣知縣
恒慶豐寧縣知縣西林承辦差務均妥速認真臣
業已飭司記功另行鼓勵謹

奏

嘉慶二十年十月初一日奉

上諭那彥成奏平泉州知州興廉承辦秋巡差務於蹕路
經臨時藉稱緝匪回州實屬取巧請降補知縣等語現
在直隸地方官皆有緝匪之責如本境內訪有逸犯踪
跡馳回本任緝獲尙可聲言不能兼顧今興廉並未報
有獲犯乃於蹕路經臨時藉詞擅回本任明係規避差

使僅令降補尙屬寬縱興廉著卽草職該部知道

嘉慶二十一年三月二十五日

奏爲知縣難勝民社請

旨改用教職以肅吏治事竊查現任宛平縣知縣張謩由
浙江舉人大挑一等分發直隸補授衡水縣知縣
大計卓異嘉慶二十年奏陞今職該員到任之初尙知
勉力急公近則漸涉因循遇事延緩如本年恭逢

皇上祇謁

西陵

回鑾

駐蹕北惠濟廟經由該縣境內所有橋梁等項早經給發銀兩飭令備辦該員一味因循並不預備及差期臨邇經臣端派北路同知陳世相等幫同辦理始得趕搭完竣而長新店一帶往返道路辦理亦未堅實並屢經府尹向臣言及該員平日辦公不力審理案件亦未明晰節經臣訓飭無如該員罔知振作疲延如故實不勝知縣之任查上屆

大計臣原因該員辦事小心是以列入薦牘初不料其始勤終怠如此現當整飭吏治臣不敢因保舉在前稍存迴護相應據實具奏請

旨將宛平縣知縣張啓改用教職以肅吏治謹

奏奉

硃批依議吏部知道

清釐交代

嘉慶二十年十一月十三日

奏爲立限清釐州縣交代以肅功令而杜流弊事竊查
州縣交代例限兩月將應接倉庫錢糧等項會同
監盤委員盤收造冊結報如有逾限卽應開叅再
限兩箇月倘違二叅之限仍未接收結報者卽應
叅革如有虧空嚴治其罪例限本極周詳結報斷
難遲逾臣於到任卷查直隸節次清查各案屢飭
藩司實力催追並再四講求以直隸舊虧情形久
在

聖明洞鑒之中舊虧固宜嚴追而續虧尤須早杜欲絕續虧之源必嚴交代之限遇有州縣交代未清應到任者停其到任應陞用者停其陞用應委署者停其委署誠以交代早清則續虧自絕節經遵飭在案今據藩司錢臻詳稱直隸各州縣交代出結雖未有逾違二叅之限惟一經出結多有不卽造冊隨結呈送咨部或因冊結款目未協駁令復核或咨部駁查之後經年累月不查不覆雖劄檄嚴提仍多視爲具文推原其故皆由州縣於嘉慶十四年以前原止出結報部迨至十五年始奉部飭造

款冊因而逾加遲延似此玩忽本應叅辦無如相沿年久罰不及衆若再陳陳相因則交代款目必致膠轕不清從此藉起虧挪之弊所關甚鉅輾轉籌策惟有寬其已往懲其將來應請將各州縣交代凡有駁令復核暨奉部駁查未經登覆以及未經收清造冊結報者派委明幹之員分往會同各府廳州督同監盤委員暨先後各任統限五箇月內駁查者查明登覆未經接收者勒令造具冊結申送報部倘其中有因虧挪未清不行出結者立即據實詳請叅奏治罪此次清釐之後遇有交代

均須遵照定例依限盤收清楚造冊結報咨部如再仍循舊習敢違例限者立即詳叅以儆玩悞等情詳請具

奏前來

臣

伏查各州縣交代出結雖尙未逾二叅但既

經駁飭查造款冊自應迅速分別造送登覆以符定制該司詳請分別清釐係因未結交代可勒限完結日後交代不致再有拖延起見臣覆核無異相應

奏明仰懇

皇上天恩俯准將前項造送款冊遲延各州縣勒限五箇

月分別清釐如實有虧挪等弊立即嚴行叅辦不
惟交代可期迅速並於續虧亦可永杜謹

奏奉

硃批該部查核具奏

陳明度支

嘉慶二十一年五月十七日

奏爲查明直隸藩庫歷任借墊候歸銀款已未還各數
恭摺具

奏事竊查嘉慶二十年十月初五日准戶部咨開欽奉
上諭御史葉申萬奏各省藩庫借款易滋弊混請旨嚴飭
清釐一摺所奏是直省藩庫錢糧國帑攸關絲毫不容
擅動乃向來各藩司因州縣有急須支給之項本款銀
兩未到令將別款借給迨日久未歸又輾轉挪抵以致
借款繁多奸胥滑吏影射朦混弊端百出不可不嚴行

查禁著各督撫查明從前已經借出各款督令現任藩司上緊清釐催追還款毋許遷延時日希圖陞調諉之後任嗣後概不許擅行挪借如有藩司私准州縣借動挪移者該督撫一經查出卽將該藩司及該州縣一體嚴參毋稍徇縱欽此

臣查直隸藩庫自前任藩司觀音保任內起至襄行簡任內止因無本款可動借用別款共墊借未歸銀二百一十二萬三千五百三兩一錢七分四釐於嘉慶十二年間經前任藩司慶格查明有著無著專摺具奏並造款冊咨部嗣准部議前項借墊未歸銀兩內借墊無款歸補銀

一十萬三千八百二十一兩六錢五分議令在於
原借歷任藩司名下著賠完繳歸款又應動耗羨
不敷歸還銀八萬八千二十六兩四錢八分四釐
議准在於原借本款項下開除其餘未歸銀一百
九十三萬一千六百五十五兩四分內除初二三
次清查并交代虧空咨追分賠作正開銷及虛收
虛抵銀九十二萬一千九百八十四兩七錢七分
六釐外各州縣並營員欠解以及應動地糧耗羨
等款歸還銀一百萬九千六百七十兩二錢六分
四釐議令催提完解歸款並令嗣後遇有暫行借

墊之項應隨時記明檔案報部欽奉

諭旨准行在案自上次清釐以後已歸未歸銀兩雖按年造冊送部惟迄今又居十年之久且直隸自十二年以來災歉頻仍地糧耗羨多有蠲緩帶徵而例准開銷急需支給之項本款銀兩未到不得不暫借別款墊發如日久未歸輾轉挪抵借款繁多恐啟奸胥滑吏影射朦混之弊凡有借墊未歸各款自應急行清釐以歸核實而杜弊竇臣於未奉諭旨以前督飭藩司酌議清釐嗣後欽遵轉行遵照去後茲據藩司錢臻率同委員檢齊冊檔悉心查對按

款開單呈送前來臣逐細查核前次原辦自觀音保起至襄行簡離任止原查墊借六歸還二百一十二萬三千五百三兩一錢七分四釐除借墊無款歸補銀一十萬三千八百二十一兩六錢五分在於原借歷任藩司名下著賠外實共計未歸銀二百一萬九千六百八十一兩五錢二分四釐內已陸續歸還并就本款開除銀六十一萬五千五百六兩一錢四分五釐尙有二三次清查並交代虧空者追分賠作正開銷及虛收虛抵未歸銀六十二萬四千五百三十五兩八錢九分一釐各州

縣營員欠解及應交地糧耗羨等款未歸銀七十
七萬九千六百三十九兩四錢八分八釐共計尙
未歸銀一百四十萬四千一百七十五兩三錢七
分九釐又前藩司慶格任內起至前藩司素納任
內止共借墊各款銀五十六萬二千四百二十五
兩六錢一分八釐內已歸還銀二十四萬九千八
百五十四兩四錢五分一釐尙有交代虧欠咨追
未歸銀五萬二千六兩二錢四分又應交耗羨襍
稅并提解各款未歸銀二十六萬五百六十四兩
九錢二分七釐實尙計未歸銀三十一萬二千五

百七十一兩一錢六分七釐臣逐款查核俱係例
准開銷急需之項均有檔案可稽並無私行濫借
無著之款其中有應在外省咨追者俱經分案咨
追應在本省徵收并提解者嚴飭催追一俟追解
到日卽行歸款如查有本款不敷歸補者隨時咨
部卽在原借本款項下開除仍將歸過數目按季
報部庶款目明晰不使輾轉挪抵以杜影射朦混
之弊臣將已未歸借墊銀兩飭司造具細款清冊
詳送咨部查核謹

奏奉

硃批戶部議奏

請餉充費

嘉慶十九年六月初三日

奏爲藩庫經費不敷恭懇

聖恩俯准

賞撥銀兩以備支放事竊照直隸司庫度支繁多每年額

徵地糧卽全數徵完尙不敷歲支之用設遇水旱

偏災錢糧蠲緩停徵則經費愈形支絀歷經奏請

賞撥以資備用今查上年秋禾被水被旱被雹之四十五

州縣及被賊滋擾之開州東明長垣三州縣又獲

鹿安平大城等三十六州縣因冬雪稀少本年春

恩旨分別蠲豁帶徵并緩至本年秋後啟徵在案茲據藩

司素納詳稱直省本年應支

陵工俵餉驛站工料採買銅觔借支緩徵俸工及一切歲
需支放等項約共需地糧銀一百四十餘萬兩又
本年夏秋冬及二十年春季兵餉動用協撥餉銀
七十萬兩外尙須湊動地糧銀五十餘萬兩實共
需銀一百九十餘萬兩而司庫現在各屬徵解十
九年并十八年以前地糧除支放外僅存地糧銀

一萬餘兩所有本年應徵新舊錢糧除緩徵四百七十餘萬兩外其不緩徵州縣雖俱照常徵納但係省北一帶徵租旗地居多糧賦無幾約計僅可抵用銀四十餘萬兩至如邢臺等八十四州縣緩徵錢糧雖秋後可以啟徵而現在尙未普得透雨秋成豐歉未定至期尙須察看難以遽行計數抵用所需

陵工俸餉驛站工料并借支緩徵俸工及文武官養廉等項必須按季支放恐致臨期短絀自應預爲籌撥備用等情詳請具

奏前來臣伏查司庫一切支放銀兩均係亟需動給之款現在各屬地糧多因被歉緩徵未能按期徵解司庫存銀無幾不敷抵用該司所詳係屬實在情形合無仰懇

聖恩勅部在於長蘆及附近省分地丁鹽課關稅項下賞撥銀八十萬兩解交直隸藩庫兌收以備支放謹

奏

硃批戶部速議具奏

因事獲咎

嘉慶二十一年六月十九日

奏爲遵

旨明白迴奏並懇陳感悚下忱事竊臣承准

廷寄欽奉

上諭景安等奏據已革靈臺縣知縣戴椿齡稟請我領嘉慶十五年賑案及十六年展賑案內未發銀兩以抵新虧訊明戴椿齡原報靈臺縣十五年初賑加賑展賑共需銀四萬一千五百餘兩經德克精阿發給銀一萬五千兩散放初賑嗣藩司陳祁劄令酌量節省該革員於

初賑放完後卽未散放加賑至十六年展賑又在道庫領銀四千兩按戶散給共節省賑銀二萬餘兩於四月間卽造實散銀一萬八千餘兩清冊詳司迨九月內藩司陳祁用該縣空白冊結照原報戶口開造浮銷銀二萬兩並經阜蘭縣知縣丁閩洲向該革員告知係陳祁以各州縣運送賑糧採買兵糧津貼銀兩無款可籌與總督商酌將靈臺等處節省賑餘銀兩通融籌辦津貼景安等提查賑案全卷又查出固原州浮銷銀三萬六千七百餘兩靜寧州浮銷銀一萬七千六百餘兩隆德縣浮銷銀一萬五千五十餘兩鹽茶廳浮銷銀五萬四

百餘兩連靈臺共浮銷銀十四萬一千一十餘兩提訊藩司衙門辦賑書吏俱供實係陳祁提用各州縣空白冊結捏造浮銷以爲各州縣運糧腳價並採買兵糧津貼之用曾與總督商允檢查各州縣所領津貼印領共六十九張領過銀十二萬一千餘兩與浮銷之銀十四萬一千餘兩數尙未符容查實再奏等語辦理賑務實用實銷不容分釐浮冒乃那彥成因藩司陳祁籌酌各州縣撥運糧石腳價等項津貼輒許該藩司任意捏銷賑銀至十四萬餘兩之多如此膽大妄爲已屬罪無可辭現經景安等查明各州縣印領共有著銀十二萬一

千餘兩尙有銀二萬兩無人承領其爲私飽囊橐更顯而易見著那彥成明白迴奏並卽自行議罪欽此

臣跪

讀之下曷勝悚懼感激伏查嘉慶十五年

臣前在

陝甘總督任內時值夏旱成災當經奏明奉

旨撥帑給賑是年秋冬初賑加賑完竣十六年正月又蒙恩加賑一月

聖慈優渥

臣

身任封圻民事至重刻刻凜遵

諭旨以災黎亟應撫綏

帑項尤宜撙節是以督飭藩司及道府廳縣各員嚴杜浮冒實力查辦並派委營員學官分別散票發銀

互相稽察以絕冒領冒銷諸弊臣誠恐各屬不能實力奉行飾經諄飭藩司各道認真督率毋許絲毫弊混所有節次辦理情形及條議各款均經奏蒙

聖鑒迨初加展賑辦竣由司查出逃亡病故各戶共存剩銀四萬九千五百三兩六錢共存剩糧二百六十五石七斗四升復經臣據實奏

聞將餘銀提還司庫餘糧歸還各倉嗣據司詳復將全案題銷亦在案今已草臺縣知縣戴椿齡稟控已草梟司前任平慶涇道德克精阿有短發賑銀二萬餘

兩經

欽差尙書景安等查出靈臺及固原鹽茶各屬共浮銷銀
十四萬一千兩零係藩司陳祁與總督商酌爲運
送賑糧採買兵糧津貼之用奏奉

諭旨飭令

臣

明白迴奏

臣

受

恩深重稍有天良萬不敢於

聖主之前重蹈欺罔之罪竊思

臣

於賑卹重務任聽藩司

浮混開造率據司詳數目

題銷已屬罪無可逭百喙難辭惟藩司爲錢糧總漕當

日各屬承領賑銀均係陳祁經手支發其各省解

到餉銀截留東路均係德克精阿經手支發總督

衙門僅憑司詳掛領實不知有短發各屬情事卽

陳祁當日亦實無稟商

臣

短發賑銀以爲津貼運

脚及採買兵糧不敷之事如果陳祁以此面稟

臣

方且據實嚴叅又何敢扶同徇隱輒行私許現在

前任臯蘭縣知縣丁閩洲業已身故丁閩洲面告

戴椿齡之言旣無憑據

臣

亦斷不敢因陳祁丁閩

洲二員已故無從質對稍存避就之見至甘省各

州縣採買兵糧例價不敷實形賠累

臣

曾於十六

年奏請調劑加增嗣因奉駁中止有案可查並非

敢擅扣賑餘津貼採買且臣如果私與藩司商酌扣貼何以復將存剩賑餘銀糧約計五萬之數奏明繳還此中情形難逃

聖明洞鑒惟是此案原報

題銷各檔冊均在陝甘總督衙門

臣

今既離任不及抄

錄攜帶僅憑錄存摺稿查悉大概此時陳祁雖故而經手支發之德克精阿現在蘭州合無仰懇

天恩飭令景安等再行嚴訊虛實同查出無著銀二萬兩係何人私飽囊橐一併著追究辦如果臣私許陳祁短發浮銷及稍有染指情弊應請

旨加等治罪

臣

不勝殫棘待

命之至再

臣

渥蒙

皇上天高地厚之恩曰懼無可報効今於辦理甘省賑務
任聽藩司短發浮銷漫無覺察實屬形同聾瞶辜
負

鴻慈惟有仰懇

天恩將

臣

交部從重治罪並請罰繳養廉銀一萬兩稍示

肅懃謹

奏

容安謹案此奏未奉

諭旨

嘉慶二十一年六月三十日

命革直隸總督三等子並革子容照容恩職

欽差戶部尚書景公安等奏叅甘肅前任總督那彥成商
同藩司浮銷賑銀並運送糧石腳價朦混具奏各
情弊奉

旨著托津禧恩馳驛前赴保定傳旨將那彥成革職拏問
解京交大學士戶部刑部會同嚴審定擬具奏那彥成
之子容照容恩俱著革職

嘉慶二十一年閏六月二十二日奉

上諭那彥成前在陝甘總督任內與已故藩司陳祁商同
挪移賑銀並捏奏捐廉等情前經大學士等會訊俱已
供認惟陳祁提入內署銀二萬四千兩尙無着落現在
降旨確查將那彥成監禁聽候擬罪惟聞伊母到京患
病沉篤那彥成係大學士阿桂之孫十八年勦辦滑城
賊匪亦有微勞伊係獨子經伊母守節撫孤至於成立
朕不忍令其母子兩地椎心特破格施恩給那彥成十
日之假令其回家省視伊母如十日期內伊母病已痊
愈仍令進監待罪倘伊母病有不測准其在家穿孝數
日再赴刑部監禁著刑部侍郎成格將此旨宣諭那彥

成卽帶伊回家另派刑部滿漢司員各一人在伊家住宿看守其住宅前後著步軍統領衙門派兵十名加意巡邏不准那彥成出門與外人相見亦不准外人前往看視

嘉慶二十一年七月初三日奉

旨朕於二十二日降旨令那彥成回家省視伊母不准外人前往看視那彥成慶斂於二十三日前往看門兵丁曾向攔阻伊自稱本家仍欲進門若謂看視那彥成之母其母於二十日到京何以不於二十三日以前往看慶收捏詞掩飾顯係違旨且年力衰頽著卽照部議革

職

嘉慶二十一年八月二十一日刑部

奏擬定案奉

上諭那彥成著依議斬監候其應賠銀三萬九千八百三十四兩勒限一年完繳如那彥成於限內交完著刑部奏明將伊釋放其家再候諭旨其陳祁家婦應賠銀三萬九千八百三十四兩亦勒限一年著楊護在陳祁家屬名下儘數追繳如限內不能全完所餘銀兩亦著落那彥成賠繳餘依議

嘉慶二十一年九月初六日奉

旨那彥成從前屢獲咎愆經朕棄瑕錄用復畀任陝甘總督自當竭盡忱悃力圖報効卽地方遇有格礙難辦之事亦應據實陳奏請旨遵行乃聽信陳祁之言挪移賑銀十九萬餘兩以爲津貼採買腳價等項之用實屬膽大妄爲經刑部問擬斬監候將應賠銀三萬九千八百兩勒限一年全完請旨應否免罪茲已於一月內繳完惟那彥成係屬大員雖有滑縣勦賊微勞不能卽予免罪仍當發往伊犁姑念伊母年老病篤那彥成著加恩暫免發遣卽行釋宥令其在家終養伊子容照容恩前以那彥成獲咎黜革茲那彥成旣經釋放伊子並無他

咎著各降一等容照賞給三等侍衛在大門上行走容恩以上虞備用處拜唐阿用

嘉慶二十一年九月二十一日辰時丁

誥封一品太夫人那拉太夫人憂

嘉慶二十一年十月二十日奉

旨這三等子爵係那彥成前在滑縣剿滅逆賊所賞與那彥成現獲之咎無涉著加恩將那彥成子孫揀選年終進譜帶領引見承襲

嘉慶二十一年十二月十六日長子容安蒙

恩承襲三等子爵

嘉慶二十一年十二月十九日奉

旨那彥成之子容安著加恩賞給二等侍衛在大門上行
走

嘉慶二十二年五月十八日奉

上諭那彥成獲罪應發伊犁因伊母年老病篤暫免發遣
茲以伊養事畢仍應發往伊犁念其前在滑縣勦賊著
有那彥成著加恩免其發遣在家閉門思過

那文襄公初任直隸總督奏議卷五十二

官階

嘉慶二十三年二月二十三日

上海市歷史文
獻圖書館藏

恩授翰林院侍講

嘉慶二十三年四月十二日

擢

翰林院侍讀

嘉慶二十四年正月二十九日

擢授翰林院侍講學士充

日講起居注官

嘉慶二十四年三月初二日

擢授詹事府詹事充己卯科會試司義

嘉慶二十四年五月十二日

擢授倉場侍郎

嘉慶二十五年九月初九日

擢授理藩院尙書

嘉慶二十五年十月初五日

擢調吏部尙書

嘉慶二十五年十月十三日

擢兼鑲黃旗蒙古都統

嘉慶二十五年十二月二十九日

命在紫禁城騎馬

道光元年三月初七日

命署都察院左都御史

道光元年三月初八日

命署翰林院掌院學士

命兼理樂部

道光元年五月初六日

命署正藍旗漢軍都統

道光元年五月十四日

命署總理工程處

道光元年五月二十一日

命兼翰林院掌院學士充

日講起居注官